

**GARIS PANDUAN DAN KRITERIA PENCALONAN
ANUGERAH TOKOH PENERBITAN
CITRA KARISMA 2026**

1.0 Nama Anugerah

Anugerah Tokoh Penerbitan

2.0 Latar Belakang Anugerah

Anugerah ini bertujuan untuk mengiktiraf individu yang cemerlang dalam bidang penerbitan sepanjang tempoh perkhidmatan di Universiti Teknologi Malaysia untuk dinobatkan sebagai Tokoh Penerbitan peringkat Universiti. Pemberian anugerah ini adalah berdasarkan syarat pencalonan dan kriteria penilaian Anugerah Tokoh Penerbitan yang telah ditetapkan. Pada umumnya, hasil pengkaryaan, penulisan dan penyuntingan merupakan elemen teras dan utama bagi anugerah ini. Terdapat sepuluh item utama dalam kriteria penilaian bagi anugerah ini. Mulai tahun 2024, anugerah ini telah memperkenalkan dua (2) kategori, iaitu Kategori Sains Sosial dan Kategori Sains dan Teknologi.

3.0 Kategori Anugerah

Individu

4.0 Kriteria dan Syarat-syarat Permohonan

- a. Terdiri daripada tiga kaedah, iaitu calon yang dicalonkan oleh rakan sekepakaran atau dicalonkan oleh fakulti/Kumpulan Penyelidikan Bersekutu (RA)/ Centre of Excellence (COE) atau mencalonkan diri sendiri.
- b. Staf yang pernah memenangi anugerah ini tidak layak untuk dicalonkan semula.
- c. Ahli Panel Anugerah pada tahun semasa adalah tidak dibenarkan untuk dicalonkan.
- d. Bagi staf tetap UTM, penilaian berasaskan kepada hasil kerja semasa di UTM sepanjang tempoh perkhidmatan tetap dan masih berkhidmat dalam tahun penganugerahan.
- e. Bagi staf UTM kontrak, penilaian berasaskan kepada hasil kerja semasa di UTM sepanjang tempoh perkhidmatan kontrak calon dan masih berkhidmat dalam tahun penganugerahan.
- f. Syarat Kelayakan Minimum Pencalonan:- Setiap pencalonan MESTI mempunyai dua buah buku karya asli yang ditulis secara individu atau bersama yang telah diterbitkan sehingga tahun yang dinilai DAN mempunyai satu item dalam setiap kategori 2, 3, 4 dan 5 dalam kriteria penilaian Anugerah Tokoh Penerbitan.

5.0 Syarat dan Bahan Bukti

a. PENULISAN BUKU

KARYA ASLI (BAHASA MELAYU DAN BAHASA ASING)

Jenis Karya yang Layak Dicalonkan: Karya asli terbitan Penerbit UTM Press atau penerbit luar* yang diterbitkan sehingga 31 Disember tahun yang dinilai.

Karya yang Tidak Layak Dicalonkan: Karya yang diklasifikasikan sebagai cetakan awal, modul pembelajaran, buku mewah dan penerbitan sendiri.

Penulis Karya: Karya yang dihasilkan oleh calon sama ada secara individu/bersama dengan penulis lain (dalam atau luar UTM).

Bahan Bukti Penyertaan: Mengemukakan sekurang-kurangnya bahan awalan (kulit, judul separa, judul penuh, halaman hak cipta, halaman kandungan, prakata) dan bahan akhiran (bibliografi/rujukan, indeks, kulit belakang) sebagai bahan bukti dalam bentuk salinan lembut atau salinan cetak.

(***Penerbit Luar** ditakrifkan sebagai penerbit dalam negara yang menganggotai Majli Penerbitan Ilmiah Malaysia (MAPIM)/Persatuan Penerbit Buku Malaysia (*Malaysian Book Publishers Association* (MABOPA)/yang menganggotai Persatuan Penerbit Buku Bumiputera (*Bumiputera Book Publishers Association* (IKATAN)/pusat penyelidikan/badan profesional/badan bukan kerajaan dan termasuk penerbit antarabangsa yang melakukan proses penerbitan secara formal: melalui proses penilaian dan penyuntingan atau mempunyai lembaga editorial). Karya terbitan yang tidak melalui proses penerbitan secara formal tidak akan dipertimbangkan, contohnya Verlag Dr. Muller (VDM), Scholar Press atau Lambert Academic Publishing (LAP).

MONOGRAF

Jenis Karya yang Layak Dicalonkan: Monograf ditakrifkan sebagai sebarang bahan penulisan dalam bahasa Melayu/Malaysia atau bahasa Asing (bahasa Inggeris) yang dihasilkan daripada kerja penyelidikan dalam bidang khusus yang diterbitkan sehingga 31 Disember tahun yang dinilai oleh Penerbit UTM Press atau penerbit luar*.

Penerbitan monograf hendaklah mengikut proses penilaian formal.

Penulis Karya: Karya yang dihasilkan oleh calon sama ada secara individu/bersama dengan penulis lain (di dalam atau di luar UTM).

Bahan Bukti Penyertaan: Mengemukakan sekurang-kurangnya bahan awalan (kulit, judul separa, judul penuh, halaman hak cipta, halaman kandungan, prakata) dan bahan akhiran (bibliografi/rujukan, indeks, kulit belakang) sebagai bahan bukti dalam bentuk salinan lembut atau salinan cetak.

KARYA TERJEMAHAN (BAHASA MELAYU DAN BAHASA ASING)

Jenis Karya yang Layak Dicalonkan: Karya terjemahan terbitan Penerbit UTM Press atau penerbit luar* yang diterbitkan sehingga 31 Disember tahun yang dinilai.

Penterjemah Karya: Karya yang dihasilkan oleh calon sama ada secara individu/bersama dengan penterjemah lain (di dalam atau di luar UTM).

Bahan Bukti Penyertaan: Mengemukakan sekurang-kurangnya bahan awalan (kulit, judul separa, judul penuh, halaman hak cipta, halaman kandungan, prakata) dan bahan akhiran (bibliografi/rujukan, indeks, kulit belakang) sebagai bahan bukti dalam bentuk salinan lembut atau salinan cetak.

b. PENULISAN ARTIKEL

Jurnal Berindeks membawa maksud jurnal yang diindeks dalam Web of Science (WOS), ESCI, SCOPUS, *Excellence in Research for Australia* (ERA) dan *Malaysian Citation Index* (MyCite).

Penulis: Karya staf UTM yang dihasilkan secara individu/bersama dengan penulis lain dalam jurnal berindeks/tidak berindeks yang berperanan sebagai penulis utama (*corresponding author*)/penulis pertama UTM (*first author UTM*) sahaja yang akan diambil kira.

Tahun Terbitan Jurnal: Jurnal yang diterbitkan sehingga 31 Disember tahun yang dinilai.

Bahan Bukti Penyertaan: Bagi jurnal berindeks, bahan bukti hendaklah dikemukakan dalam bentuk paparan WOS/SCOPUS/ERA/MyCite atau *journal ranking* daripada pihak yang menyenaraikan paparan tersebut. Bagi jurnal tidak berindeks, kemukakan naskhah penuh makalah, salinan kulit bahagian depan, salinan halaman editorial jurnal dan alamat laman web penerbit jurnal

(jika ada). Sekiranya jurnal tidak diperoleh dari naskhah salinan bercetak, bahan bukti bolehlah dikemukakan dalam bentuk salinan bercetak paparan laman web penerbit, halaman muka depan jurnal/halaman lembaga editorial.

c. ANUGERAH PENERBITAN

Penerima dan Tahun Terima – Sebarang anugerah penerbitan yang diterima oleh calon sehingga 31 Disember tahun yang dinilai bagi peringkat antarabangsa, kebangsaan dan universiti.

Bahan Bukti Penyertaan – Kemukakan salinan sijil penganugerahan atau sebarang bahan bukti yang setara atau berkaitan.

d. PENYUNTINGAN

Editor Penyelenggara/Editor Tamu - Calon yang terlibat dalam kerja memperbaiki (memperkemas) dan menyediakan karangan sebuah karya suntingan, makalah/artikel, dan sebagainya.

Penyunting Naskhah - Calon yang melakukan kerja penyuntingan sama ada secara individu atau bersama dengan penyunting lain (di dalam atau di luar UTM).

Kategori Penyuntingan: Semua kerja penyuntingan (ke atas karya asli atau karya terjemahan) bagi Penerbit UTM Press atau penerbit luar yang telah dilakukan sehingga 31 Disember tahun yang dinilai.

Bukti Penyertaan: Kemukakan salinan surat lantikan dan surat penghargaan sebagai penyunting bagi kerja penyuntingan yang selesai dilaksanakan.

e. PENULISAN PROSIDING

Penulisan Prosiding Berindeks membawa maksud kertas kerja yang diindeks dalam WOS, SCOPUS, ERA dan Malaysian Citation Index (MyCite).

Penulis: Karya staf UTM yang dihasilkan secara individu/bersama dengan penulis lain dalam jurnal berindeks yang berperanan sebagai penulis utama (*corresponding author*)/penulis pertama UTM (*first author UTM*) sahaja yang akan diambil kira.

(Nota: Bagi 'kertas kerja jemputan' akan diberikan markah tambahan (2 mata) dengan syarat bukti dikemukakan. Bukti yang dimaksudkan ialah salinan kertas kerja penuh dan surat jemputan daripada penganjur).

Penyertaan: Semua kertas kerja berindeks yang dibentangkan dalam seminar/simposium/persidangan.

Tahun Pembentangan: Kertas kerja yang telah dibentangkan sehingga 31 Disember tahun yang dinilai.

Bahan Bukti Penyertaan: (i) Kemukakan prosiding lengkap, atau (ii) kemukakan perkara berikut: kertas kerja penuh/lengkap serta salah satu bahan sokongan berikut: (a) Surat penerimaan pembentangan daripada pihak penganjur atau (b) Buku atur cara seminar/simposium/persidangan, atau (c) Buku abstrak seminar/ simposium/ persidangan.

f. PENERBITAN KHUSUS

POLISI

Jenis Karya: Polisi terbitan Penerbit UTM *Press* atau penerbit luar* yang diterbitkan sehingga 31 Disember tahun yang dinilai.

Penulis Polisi: Polisi yang dihasilkan oleh calon sama ada secara individu/bersama dengan penulis lain (di dalam atau di luar UTM).

Bahan Bukti Penyertaan: Kemukakan salinan kulit bahagian depan buku, halaman hak cipta, halaman kandungan, dan senarai penyumbang.

STANDARD (PIAWAIAN)

Penulis Standard (Piawaian) Layak Dicalonkan: Standard (Piawaian) yang dihasilkan oleh calon berkenaan sama ada secara individu/bersama dengan penulis lain (di dalam atau di luar UTM) yang diterbitkan sehingga 31 Disember tahun yang dinilai.

Penyertaan: Semua Standard (Piawaian) yang telah diterbitkan di bawah naungan SIRIM atau badan profesional.

Bukti Penyertaan: Kemukakan salinan kulit bahagian depan Standard (Piawaian), halaman hak cipta Standard (Piawaian) dan halaman penyumbang.

KARYA SYARAHAN PERDANA/SYARAHAN UMUM

Jenis Karya: Karya Syarahan Perdana/Syarahan Umum terbitan Penerbit UTM *Press*

atau penerbit luar* yang diterbitkan sehingga 31 Disember tahun yang dinilai.

Penulis Karya: Karya Syarahan Perdana/Syarahan Umum yang dihasilkan oleh calon sama ada secara individu/bersama dengan penulis lain (di dalam atau di luar UTM).

Bahan Bukti Penyertaan: Kemukakan satu naskhah buku bercetak untuk penilaian akhir.

GARIS PANDUAN/MODUL PENGAJARAN/MANUAL REKA BENTUK/MANUAL PENGGUNA

Jenis Karya: Garis Panduan/Modul Pengajaran/Manual Reka Bentuk/Manual Pengguna terbitan Penerbit UTM Press atau penerbit luar* yang diterbitkan sehingga 31 Disember tahun yang dinilai.

Penulis Karya: Garis Panduan/ Modul Pengajaran/Manual Reka Bentuk/Manual Pengguna yang dihasilkan oleh calon sama ada secara individu/bersama dengan penulis lain (di dalam atau di luar UTM).

Bahan Bukti Penyertaan: Kemukakan satu naskhah buku bercetak untuk penilaian akhir.

AUDIO VISUAL

Jenis Penerbitan yang Layak Dicalonkan: Penerbitan audio visual yang diterbitkan mengikut aturan penerbitan yang lazim dan diterbitkan sehingga 31 Disember tahun yang dinilai.

Karya yang Tidak Layak Dicalonkan: Audio visual yang diterbitkan sendiri yang tidak melalui proses penilaian, penyuntingan dan proses yang formal.

Penulis Karya: Penerbitan yang dihasilkan oleh calon berkenaan sama ada secara individu/bersama dengan penulis lain (di dalam atau di luar UTM).

Bukti Penyertaan: Kemukakan bahan dan pengesahan proses penilaian dan penyuntingan bahan.

GLOSARI/ISTILAH

Jenis Glosari/istilah: Glosari terbitan Penerbit UTM Press atau penerbit luar* yang diterbitkan sehingga 31 Disember tahun yang dinilai.

Penulis Glosari/istilah: Glosari/istilah yang dihasilkan bersama dengan penulis lain (di dalam atau di luar UTM).

Bahan Bukti Penyertaan: Kemukakan salinan kulit bahagian depan buku, halaman kandungan, dan halaman hak cipta.

JADUAL

Jenis Jadual: Jadual terbitan Penerbit UTM *Press* atau penerbit luar* yang diterbitkan sehingga 31 Disember tahun yang dinilai.

Penulis Jadual: Jadual yang dihasilkan oleh calon sama ada secara individu/bersama dengan penulis lain (di dalam atau di luar UTM).

Bahan Bukti Penyertaan: Kemukakan salinan kulit bahagian depan buku, halaman kandungan, dan halaman hak cipta.

(* **Penerbit Luar** lihat takrifan dalam nota Perkara (a).

g. PENULISAN POPULAR/UMUM

ENTRI ENSIKLOPEDIA

Penulis Entri: Entri yang dihasilkan oleh calon sama ada secara individu/bersama dengan penulis lain (di dalam atau di luar UTM).

Penyertaan: Semua entri yang telah diterbitkan dalam ensiklopedia sama ada terbitan UTM–DBP atau ensiklopedia terbitan penerbit luar yang diterbitkan sehingga 31 Disember tahun yang dinilai.

Bahan Bukti Penyertaan: Kemukakan salinan kulit bahagian hadapan, halaman hak cipta ensiklopedia, entri yang berkaitan atau halaman penyumbang.

KOLUM/RUANGAN AKHBAR

Penulis ruangan akhbar: Tulisan/esei/makalah/ulasan/rencana yang dihasilkan oleh calon sama ada secara individu/bersama dengan penulis lain (di dalam atau di luar UTM) yang diterbitkan sehingga 31 Disember tahun yang dinilai.

Penyertaan: Semua tulisan/esei/makalah/ulasan/rencana yang disiarkan menerusi kolum khas atau ruangan dalam sebarang akhbar.

Bahan Bukti Penyertaan: Kemukakan salinan kolum/ruangan yang memuatkan tulisan/esei/makalah/ulasan/rencana berkaitan.

MAKALAH DALAM MAJALAH IKHTISAS

Makalah dalam Majalah/ Buletin Ikhtisas/Profesional - sumbangan calon berupa tulisan/rencana yang termuat dalam majalah/buletin ikhtisas/profesional (*cth*: Buletin IEM, IKM, Arkitek, Juruukur dan lain-lain).

Penyertaan: Semua tulisan/esei/makalah yang termuat dalam majalah/buletin ikhtisas/profesional yang diterbitkan sehingga 31 Disember tahun yang dinilai.

Bahan Bukti Penyertaan: Kemukakan salinan makalah/rencana penuh dan salinan halaman kulit depan majalah berkenaan.

MAJALAH POPULAR

Majalah Popular Tinggi – Kategori majalah yang mengungkapkan aspek keilmuan bersifat ilmiah. Sebagai contoh Majalah DBP seperti *Dewan Masyarakat, Dewan Sastera, Dewan Budaya, Dewan Ekonomi* dan lain-lain.

Majalah Popular Rendah – Kategori majalah bersifat separa ilmiah. Sebagai contoh

Dewan Siswa, Dewan Pelajar, Dewan Kosmik, Pelita Bahasa, i–Pelajar dan lain-lain.

Penyertaan: Semua tulisan/esei/makalah yang termuat dalam majalah Popular Tinggi dan Popular Rendah yang diterbitkan sehingga 31 Disember tahun yang dinilai.

Bahan Bukti Penyertaan: Calon diminta mengemukakan salinan kolum/ruangan yang memuatkan penulisan/esei/makalah/ulasan/rencana berkaitan.

h. PENILAIAN

Penilaian Karya: Calon yang melakukan kerja penilaian sama ada secara individu atau bersama (di dalam atau di luar UTM).

Kategori Penilaian: Semua kerja penilaian karya asli terbitan Penerbit UTM Press atau penerbit luar*, makalah jurnal berindeks dan entri ensiklopedia terbitan Penerbit UTM Press dan penerbit luar yang telah dilakukan sehingga 31 Disember tahun yang dinilai.

Bahan Bukti Penyertaan: Kemukakan surat penghargaan, jika tiada kemukakan surat pelantikan sebagai penilai bagi penilaian yang selesai dilaksanakan.

i. KEAHLIAN LEMBAGA EDITORIAL DAN JAWATANKUASA KHAS PENERBITAN

LEMBAGA EDITORIAL BERINDEKS

Keahlian: Keahlian calon dalam mana-mana lembaga editorial jurnal berindeks.

Penyertaan: Keahlian calon dalam mana-mana lembaga editorial dalam jurnal berindeks sehingga 31 Disember tahun yang dinilai layak dicalonkan.

Bahan Bukti Penyertaan: Kemukakan salinan surat pelantikan yang mengandungi tempoh lantikan atau halaman editorial jurnal berkaitan. sekurang-kurangnya 2 tahun.

JAWATANKUASA KHAS PENERBITAN

Keahlian: Keahlian calon dalam mana-mana jawatankuasa seperti berikut:

Jawatankuasa Ketua Pakar Bidang Projek EST UTM–DBP.

Jawatankuasa Pakar Bidang Projek EST UTM–DBP.

Jawatankuasa Peristilahan Peringkat Kebangsaan/Antarabangsa.

Jawatankuasa Piawaian Peringkat Kebangsaan/Antarabangsa.

Panel Hakim (sebarang aktiviti penerbitan) Peringkat Kebangsaan atau Antarabangsa.

Jawatankuasa Penerbitan Peringkat Universiti/fakulti.

Jawatankuasa Teknikal Penerbitan Persidangan.

Penyertaan: Keahlian calon dalam mana-mana jawatankuasa/panel hakim yang dinyatakan di atas sehingga 31 Disember tahun yang dinilai layak dicalonkan.

Bahan Bukti Penyertaan: Kemukakan salinan surat pelantikan.

j. SUMBANGAN LAIN PENERBITAN

PENCERAMAH/FASILITATOR/ SUMBANGAN LAIN BERKAITAN PENERBITAN

Calon yang layak: Calon yang menyumbang khidmat sebagai penceramah atau fasilitator dalam sebarang bengkel/kursus/seminar yang berkaitan dengan penerbitan secara fizikal ataupun atas talian (*online*) seperti webinar di dalam dan luar UTM sehingga 31 Disember tahun yang dinilai.

Bahan Bukti Penyertaan: Kemukakan salinan surat pelantikan/penghargaan.

6.0 Kaedah Penilaian dan Pemarkahan

Penilaian dibuat oleh Panel Penilai yang dilantik oleh Pengerusi, JK Anugerah Tokoh Penerbitan dengan persetujuan Timbalan Naib Canselor (Penyelidikan dan Inovasi)

a. Kaedah penilaian :

- i. Jawatankuasa menilai permohonan yang diterima.
- ii. Membuat penilaian kesahihan maklumat mengikut kategori bidang dan markah
- iii. Membuat keputusan pemenang anugerah untuk diperakukan oleh Jawatankuasa Induk Majlis Citra Karisma UTM.

7.0 Kos Hadiah

Anugerah	Kategori	Hadiah
Anugerah Tokoh Penerbitan	1. Sains Sosial	1. RM2,000/pemenang 2. Sijil
	2. Sains dan Teknologi	1. RM2.000/pemenang 2. Sijil